

【经文信息】大正藏第 12 册 No. 0368

## 拔一切业障根本得生净土神咒 1 卷

### 目录

#### 阿弥陀经不思議神力传

No. 368

### 拔一切业障根本得生净土神咒(出小无量寿经)

刘宋天竺三藏求那跋陀罗奉 诏重译

南无阿弥多婆夜哆(多曷切一)他伽哆(都饿切二)夜哆地(途卖切三)夜他阿弥利(上声四)都婆毘(五)阿弥利哆(六)悉耽婆毘(七)阿弥利哆(八)毘迦兰谛(九)阿弥利哆(十)毘迦兰哆(十一)伽弥膩(十二)伽伽那(十三)枳多迦隶(十四)莎婆诃(十五)

若有善男子善女人。能诵此咒者。阿弥陀佛常住其顶日夜拥护。无令怨家而得其便。现世常得安隐。临命终时任运往生。

◎

◎

### 阿弥陀经不思議神力传(附隋录未详作者)

昔长安僧叡法师。慧崇。僧显。慧通。近至后周。实禅师。景禅师。西河鸾法师等数百人。并生西方。西河绰禅师等。因见鸾法师得生净土。各率有缘。专修净土之业。绰师又撰西方记验。名安乐集流行。又晋朝远法师。入庐山三十年不出。乃命同志。白黑有一百二十三人。立誓期于西方。凿山铭愿。至陈天嘉年。庐山珍禅师。于坐时见有数百人。共乘七宝华舫往西方。珍禅师遂求附载。其船上人报云。法师虽讲得涅槃经亦大不可思议缘。法师未诵得阿弥陀经及咒。所以不得同去。法师遂废讲业。日夜专诵弥陀经及咒。计应满二万遍。未终四七日前。夜向四更有神人。从西方送一白银台来空中。明过于日。告云。法师寿终当乘此台往生阿弥陀国。故来相示令知

定生。终时白黑咸闻空中如奏音乐。并闻异香。数月闻香气不歇。其夜峯顶寺僧众。咸见一谷内有数十炬火大如车轮。寻验古今。得生安乐世界者非一。多见化佛徒众来迎灵瑞。如传广明不可繁录。因珍禅师于此经有验故。略述此一条以悟来哲。助成往生之志。拔一切业障根本得生净土。神呪者乃宋元嘉末年。求那跋陀重奉制译。合计五十九字一十五句。龙树菩萨愿生瞻养。梦感此呪。耶舍三藏诵此呪。天平寺锈法师。从耶舍三藏口受此呪。其人云。经本外国不来。若欲受持呪法。嚼杨枝澡豆漱口然香。于佛像前胡跪合掌。日夜六时各诵三七遍。即灭四重五逆十恶谤方等罪。悉得灭除。现世所求皆得。不为恶鬼神所惑乱。若数满二十万遍。即感得菩提牙生。若至三十万遍即面见阿弥陀佛。

---

**【经文信息】** 大正藏第 12 册 No. 0368 拔一切业障根本得生净土神呪

**【版本记录】** CBETA 电子佛典 Rev. 1.13 (Big5), 完成日期: 2009/04/23

**【编辑说明】** 本数据库由中华电子佛典协会 (CBETA) 依大正藏所编辑

**【原始数据】** 萧镇国大德提供, 北美某大德提供, CBETA 自行扫描辨识

**【其他事项】** 本数据库可自由免费流通, 详细内容请参阅 [【中华电子佛典协会数据库版权宣告】](#)

---